

雖欲北去猶不能為危害昌猛擅以漢國世世子孫與

夷狄詛盟令單于得以惡言上告于天羞國家傷威重

師古曰不可得行宜遣使往告祠天與解盟昌猛奉使

無狀罪至不道師古曰無狀上薄其過師古曰以其有

詔昌猛以贖論勿解盟其後呼韓邪竟北歸庭人眾稍

稍歸之國中遂定郅支既殺使者自知負漢又聞呼韓

邪益彊恐見襲擊欲遠去會康居王數為烏孫所困與

諸翁侯計以為匈奴大國烏孫素服屬之今郅支單于

困阨在外可迎置東邊使合兵取烏孫以立之師古曰

支并力共滅烏孫以其地立郅支令居之也長無匈奴憂矣即使使至堅昆